



Republika e Kosovës / REPUBLIKA KOSOVA
ORGANI SHQYRTUES I PROKURIMIT / TELO ZA RAZMATRANJE NABAVKE
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2023/0255

Paneli Shqyrtues, i emëruar nga Kryetarja e Organit Shqyrtues të Prokurimit (OSHP), në bazë të nenit 105, 106, dhe 117 të Ligjit për Prokurim Publik të Republikës së Kosovës (LPP) në përbërje nga Kimete Gashi-Kryetar, duke vendosur sipas ankesës së Operatorit Ekonomik (OE) N.P.T. “Printeks”, me seli në Prizren, lidhur me aktivitetin e prokurimit me titull: “Furnizim me veshëmbathje për balerinet e BKK-së” me nr. të prokurimit: 207-23-2900-1-3-6, iniciuar nga Autoriteti Kontraktues (AK)-Ministria e Kulturës Rinisë Sportit dhe ÇJK, me 12/06/2023, mori:

Vendim

1. Aprovohet, si e bazuar ankesa e OE N.P.T. “Printeks” me nr. 2023/0255, e datës 04/05/2023, kurse vendimi i AK Ministria e Kulturës Rinisë Sportit dhe ÇJK lidhur me aktivitetin e prokurimit “Furnizim me veshëmbathje për balerinet e BKK-së” me numër të prokurimit 207-23-2900-1-3-6 anulohet, ndërkaq aktiviteti i prokurimit kthehet në Rivlerësim.

2. Në afat prej 10 ditësh, AK duhet ta informojë OSHP për të gjitha veprimet e ndërmarra lidhur me këtë aktivitet të prokurimit, në të kundërtën, OSHP ka të drejtë të ndërmarrë masa ndaj AK për mos respektim të vendimit sikurse parashihet me dispozitat e nenit 131 të LPP.

3. Kthehen mjetet e deponuara në emër të taksës tarifore për parashtrimin e ankesës në llogarinë e Operatorit Ekonomik N.P.T. “Printeks”

Arsyetim

- Faktet dhe rrethanat procedurale -

Me 29.03.2023, Ministria e Kulturës Rinisë Sportit dhe ÇJK, në cilësinë e Autoritetit Kontraktues ka publikuar, Njoftimin për Kontratë. Me datë 18.04.2023, AK ka publikuar B58 Njoftimin mbi vendimin për dhënie të kontratës për aktivitetin të prokurimit “Furnizim me veshëmbathje për balerinet e BKK-së” me nr. të prokurimit: 207-23-2900-1-3-6, ku është

rekomanduar për kontratë OE “E3 Group” sh.p.k me seli në Prishtinë. Me datë 24.04.2023, Operatori Ekonomik N.P.T.“Printeks” ka parashtruar kërkesë për rishqyrtim pranë AK- Ministria e Kulturës Rinisë Sportit dhe ÇJK, me datë 24.04.2023, AK e ka refuzuar, si të pa bazuar kërkesën për rishqyrtim dhe e ka vërtetuar njoftimin mbi vendimin autoritetit kontraktues të datës 18.04.2023, për anulim të aktivitetit të prokurimit të përshkruar si më sipër. Me datën 04.05.2023, Operatori Ekonomik “N.P.T.“Printeks” ka parashtruar ankesë në OSHP-së, me numër të protokollit 255/2023, kundër njoftimit mbi vendimin e AK për dhënie të kontratës për aktivitetin e prokurimit të përshkruar si më sipër. Autoriteti kontraktues ka zbatuar procedurë të hapur, lloji i kontratës: Furnizim-blerje, vlera e parashikuar e kontratës: 7,500.00€.

Ankesa e OE është ushtruar në pajtim me nenin 109.1, të LPP, sipas të cilit kundër çdo vendimi të marrë nga AK çdo palë e interesuar mund të parashtrorë ankesë pranë OSHP. Meqë OE ka ushtruar po ashtu kërkesë për rishqyrtim, do të thotë se veprimet e të njëjtit i referohen po ashtu dhe nenit 108/A të Ligjit të cituar. Prandaj OSHP konsideron se ankesa i plotëson kushtet e parapara në kuptim të dispozitave tani më të cituara dhe e njëjta bie nën kompetencat e tij në kuptim të nenit 105, të LPP.

Organi Shqyrtues i Prokurimit i ka njoftuar palët me datë: 15 maj 2023 me raportin e ekspertizës. AK Ministria e Kulturës Rinisë Sportit dhe ÇJK, nuk është deklaruar lidhur me raportin e ekspertit shqyrtues, ndërkaj me datë 26 maj 2023 OE N.P.T.“Printeks” me seli në Prizren, ka deklaruar se pajtohet me mendimin e ekspertit shqyrtues.

- Vlerësimi dhe administrimi i provave –

Bazuar në veprimet e përshkruara si më sipër, OSHP ka angazhuar ekspertin vlerësues në pajtim me nenin 111, paragrafi 5 të LPP, me detyrë që i njëjti në kuptim të nenit 113 të Ligjit të cituar, ta bëjë shqyrtimin fillestar të dosjes dhe pretendimeve ankimore, përkitazi me aktivitetin e prokurimit të përshkruar si më sipër. Lidhur me këtë, me 15.05.2023, eksperti i jashtëm shqyrtues ka dorëzuar Raportin e vlerësimit me rekomandimet si në vijim:

- ankesa OE “N.P.T.“Printeks” me seli në Prizren, të aprovohet si e bazuar.

- të anulohet Njoftimi mbi Vendimin e AK-së i datës 18.04.2023 dhe lënda të kthehet në rivlerësim (njoftimin për anulim të aktivitetit të prokurimit).

Paneli Shqyrtues konsideroi se lidhur me çështjen në rastin konkret, nuk ka nevojë të konvokohet seanca dëgjimore me palë, konform nenit 24 paragrafi 1, i Rregullores së Punës së OSHP, përderisa pretendimet e palëve, provat, parashtrësas e tyre dhe ekspertiza e ekspertit shqyrtues, ofrojnë të dhëna të mjaftueshme për të vendosur në aspektin meritore.

Përgjigje në pretendimet ankimore të OE ankues

OE ankues NTP “Printeks” pretendon që është eliminuar pa arsye nga procedura e prokurimit të tenderit në fjalë dhe se arsyetimi i dhënë nga AK se OE ankues nuk ka ofruar mjaftueshëm dëshmi për kontrata të ngjashme nuk qëndron sipas OE N.P.T.“Printeks” Prizren. Gjatë shqyrtimit të kësaj ankese dhe dosjes së tenderit e po ashtu edhe dëshmime dhe ofertave të dërguara nga operatorët ekonomik eksperti shqyrtues vëren se:

Përgjigje në pretendim:

Ankesa e OE ankues N.P.T.“Printeks” -Prizren sipas ekspertit konsiderohet se është e bazuar ngase në ofertën e saj operatori në fjalë ka dërguar mjaftueshëm dëshmi, kontrata, fatura të dërgesave të natyrës së ngjashme(materiale,roba etj) dhe ekspertit konsideron diskriminuese përgjigjen e AK kinse ka mungesë të kontratave të ngjashme në bazë të kërkesës dhe dosjes së tenderit. Sikur edhe shohim më poshtë OE ankues po ashtu ka nënshkruar deklaratën nën betim se i përmbahet kushteve dhe specifikave të tenderit të shpallur. Në anën tjetër arsyetimi i AK me rastin e eliminimit të këtij OE për ekspertin shqyrtues është i pabazuar ngase në dosje të tenderit kërkohet Lënda: Furnizim me veshëmbathje për balerinët e BKK-së. Edhe pse në seksionin II, tek formulari i përshkrimit të çmimit janë të specifikuar llojet e produktit por nëse do duhej të ishin shumë specifike dhe të veçanta sikur në arsyetimin e AK-se, ekspertit konsideron që në Dosje të tenderit do duhej të kërkohej katalogu ose mostra, përmbajtja e materialeve etj, për ta vlerësuar më saktë llojin e produktit të kërkuar nga ofertat e marra. Meqenëse, këto kërkesa dhe specifika teknike në këtë format i japin dhe lënë hapësirë për diskutime dhe mëdyshje të tilla, OE u është lejuar hapësirë që të japin ofertat e tyre të pa definuara dhe gjenerale ndaj këtyre produkteve, materialeve apo edhe kualitetit të kërkuar. Andaj konsiderojmë që AK nuk i ka precizuar qartë parametrat e blerjes së propozuar. Kjo përshkruhet shumë qartë dhe mirë në rregulloren Nr.001/2022 për Prokurimin Publik pika 17.22.1 Furnizimet ku mes tjerash thuhet:

17.22.1 Furnizimet: 1.Një deklaratë e kërkesave për prokurimin e furnizimeve do të përmbajë përshkrime të plota, të sakta dhe precize të furnizimeve, orar të dorëzimit dhe përfundimit, listë të furnizimeve dhe sasive, specifikime teknike dhe projekte, dhe do të përfshijë sipas nevojës: a. përkufizim të qartë të parametrave të blerjes së propozuar; b. qëllimin dhe objektivat e blerjes së propozuar; c. përshkrim të plotë të kërkesës; d. specifikim të përgjithshme në nivel të mjaftueshëm të detajeve; e. përshkrim funksional të cilësive, përfshirë veçori të kërkuara mjedisore apo të sigurisë të lëndës së prokurimit; f. parametra të performancës, përfshirë rezultatet, afatet kohore, dhe çdo indikator tjetër ose kritere me të cilat performanca e kënaqshme e specifikimeve mund të vlerësohet; g. përshkrimi i procesit dhe materialeve; h. kërkesat të dimensionet, simbolet, terminologjia, gjuha, paketimi, shënimi dhe etiketimi; i. një standard i përbashkët i specifikimeve j. standardin relevant të industrisë; dhe k. çdo informatë tjetër relevante.

Sekcioni II. Formulari i PËRSHKRIMIT TË ÇMIMIT

Artikulli	Përshkrimi	Njësia	Sasia	Çmimi për njësi (duke përfshirë të gjitha taksat e)
1	Mbatje të buta të baletit (mbatje të cilat ju shërbejnë balerineve për ushtrime, prova dhe shfaqje të baletit) numrave të ndryshëm	pale	60	
2	WARM SHOES (mbatje për ngrirja e temperaturave optimale të këmbëve të balerineve gjatë pauzës në prova) numrave të ndryshëm	pale	23	
3	Veshje të brendshme (që ju shërbejnë balerineve për veshjen e tyre me kostumet e shfaqjes) numrave të ndryshëm	pale	23	
4	Veshje të jashtme me logo të BKK-Uniforme (që ju shërbejnë për ushtrime dhe udhëtime zyrtare) numra të ndryshëm	pale	23	
				Total i PËRGJITHSHËM

NPT PRINTEKS me qortifikat regjistrimit 811204199

DEKLARAT ME SHKRIM

Me anë të kësaj shkrime kompania NPT PRINTEKS me nr. Unikues 811204199

doktojm se ne do të përmbahemi kushteve, specifikave teknike dhe afatit të ofërimit sipas dosjes së tenderit të shpallur nga Autoriteti Kontraktues:

Nr. i Prokurimit	207-23-2900-1-3-6
Nr. i brendshëm	207-23-010-1-3-6

MINISTRIA E KULTURËS, RINISË DHE SPORTIT

Titulli: Furnizim me veshëmbathje për balerinet e BKK-së

DEKLAROJM ME PËRQËSUESI TË PLOTË SE TË GJITHË ARTIKUJT E OFRUAR NGA KOMPANIA JANË KONFORM SPECIFIKAVE TEKNIKE TË GJERA NE ANEKSIN 1 TË DOSJES SË TENDERIT DHE

Afatit të ofërimit (Dorëzimit të Mafit) është 30 ditë prej datës së pranimit kërkesës prej AK-së ose Menaxherit Kontrates

Përfaqësuar nga:

NAJMI SHUKRI

03.04.2023



Përgjigjia e AK kundrejt OE ankues mbi arsyen e eliminimit:

Të Kërkesat e paraqitura nga AK-MKRS, Operatori Ekonomik N.P.T. "PRINTEKS", 1, ADEM JASHARI, -20000, PRIZREN, Kosovë, nuk plotëson kriteret:

- Sipas kriteri: Operatori ekonomik duhet të dëshmojë me kontrata ose faturë me reference ose certifikatë përfundimtare të pranimit që ka kryer se paku një furnizim të ngjashëm në 3 vitet e fundit në vlerë së paku 10 000.00€ (nga data e publikimit të B05). Operatori Ekonomik N.P.T. "PRINTEKS" nuk ka prezantuar kontrata të natyrës së ngjashme specifike, ku të gjitha furnizimet e paraqitura nga ana e OE janë furnizime si uniforma pune të kompanive, uniforma ushtrake, uniforma të zjarëfikeseve dhe uniforma tjera të MPB, dhe duke e ditur që furnizimet e kërkuara nga ana e AK janë specifike, AK dhe komisioni vlerësues paraqet se i njëjti nuk ka paraqitur kontrata të natyrës së ngjashme.

Çmimet e ofruara për secilin artikull veç e veç nga OE ankues N.P.T "Printeks", Prizren.

[illegible]

REKOMANDIMI I EKSPERTIT SHOYRTUES

Duke u bazuar në sqarimet e lartpërmendura si dhe çmimin prej 2339.10 euro më të lirë se OE i propozuar për kontratë, eksperti shqyrtues i propozon panelit shqyrtues që ankesa e OE ankues të aprovohet si e bazuar, të anulohet njoftimi për dhënie të kontratës dhe rekomandon që lënda të kthehet në rivlerësim.

Paneli shqyrtues e vlerëson si të qëndrueshme ankesa e OE ankues pasi që në ofertën e tijë operatori ankues në fjalë ka dërguar mjaftueshëm dëshmi,për AK siq janë kontrata, fatura të dërgesave të natyrës së ngjashme(materiale,rroba etj). OE ankues po ashtu e ka nënshkruar deklaratën nën betim se i përmbahet kushteve dhe specifikave të tenderit të shpallur,ndërsa në anën tjetër arsyetimi i AK me rastin e eliminimit të këtij OE N.P.T.“Printeks” është i paqëndrueshëm pasi siq shihet në dosje të tenderit është kërkuar nga autoriteti kontraktues - Furnizim me veshëmbathje për balerinët e BKK-së.

Paneli shqzrtues konsideron se në dosje të tenderit AK do duhej të kërkohej katalogu ose mostra, përmbajtja e materialeve etj, për ta vlerësuar më saktë llojin e produktit të kërkuar nga ofertat e marra, ngase me kërkesat dhe specifika teknike që i ka kërkuar AK i japin dhe lënë hapësirë për diskutime dhe mëdyshje të tilla, OE-ve iu është lejuar hapësirë që të japin ofertat e tyre të pa definuara dhe gjenerale ndaj këtyre produkteve, materialeve apo edhe kualitetit të kërkuar. Andaj paneli shqyrtues vlerëson se AK nuk i ka precizuar qartë parametrat e blerjes së propozuar, ashtu siq parashihet me rregulloren Nr.001/2022 për Prokurimin Publik pika 17.22.1.

Paneli shqyrtues pas shqyrtimit të shkresave të lëndës, shqyrtimit të pretendimeve ankimore të OE ankues, konstatimeve, analizës konkrete dhe rekomandimeve të ekspertit shqyrtues, deklarimit të palëve në procedurë, diskutimeve dhe administrimit të provave në tërësi, e të gjithë aktivitetit të prokurimit të lartë shënuar, konsideron se gjetjet e ekspertit shqyrtues dhe mendimi i tij janë të pranueshme nga ana e këtij paneli dhe si rrjedhojë paneli vendosi që ankesa OE “N.P.T. “Printeks”, të aprovohet si e bazuar, si dhe konform mendimit të raportit të ekspertit shqyrtues të anulohet, njoftimi mbi vendimin e AK-së, për dhënie të kontratës të datës 18.04.2023, dhe aktiviteti i prokurimit përshkruar si më sipër të kthehet në rivlerësim.

Paneli Shqyrtues kërkon nga AK që të njëjtit të jenë të vëmendshëm gjatë procedurave të prokurimit publik në të ardhmen duke respektuar në përpikmëri Ligjin e Prokurimit Publik dhe

rregullat e zbatueshme, dhe po ashtu urdhëron të njëjtit të veprojnë në harmoni me rekomandimet e dhëna në këtë vendim, në të kundërtën Organi Shqyrtues i Prokurimit nga kuadri i Paneleve Shqyrtuese, ka të drejtë të kërkoj ndërmarrjen e masave disiplinore ndaj zyrtarëve përgjegjës të prokurimit.

Andaj nga të lartcekurat, paneli shqyrtues në pajtim me nenin 117 të LPP-së vendosi si në diapozitiv të këtij vendimi



Kryetar i Panelit Shqyrtues

Kimete Gashi

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi ka të drejtë t'i drejtohet Gjykatës Komerciale në Prishtinë, në afat prej 30 ditësh nga data e pranimi të këtij vendimi.

Vendimi t'i dorëzohet:

- AK - MINISTRIA E KULTURES RS DHE ÇJK
- OE - N.P.T."PRINTEKS"
- Arkivës së OSHP-së: